

## **TAWARAN A**

### **Sarjana Pergigian Sesi Akademik 2022/2023**

#### **Permohonan Kemudahan Program Latihan Kepakaran Dengan Penajaan bagi Pegawai Pergigian Lantikan Kontrak**

Permohonan Tawaran A ini terbuka kepada semua Pegawai Pergigian Lantikan Kontrak di Kementerian Kesihatan Malaysia yang memenuhi syarat-syarat permohonan.

## **SARJANA PERGIGIAN SESI AKADEMIK 2022/2023**

### **TAWARAN KEMUDAHAN PROGRAM LATIHAN KEPAKARAN DENGAN PENAJAAN BAGI PEGAWAI PERGIGIAN LANTIKAN KONTRAK**

---

#### **SYARAT-SYARAT PERMOHONAN**

Pegawai hendaklah memenuhi syarat-syarat am seperti berikut:

1. Mempunyai pengetahuan, kemahiran, pengalaman, minat dan perwatakan / sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi. Pegawai juga hendaklah mempunyai kelayakan Ijazah Pertama yang diiktiraf atau kelayakan yang setaraf dengannya;
2. Pegawai Pergigian KKM yang sedang berkhidmat dalam perkhidmatan kontrak di bawah SPKSU Bil 4/2016;
3. Pegawai tidak pernah meletak jawatan atau ditamatkan perkhidmatan;
4. Pegawai telah berkhidmat sekurang-kurangnya genap **empat (4) tahun** dari tarikh lantikan hingga tarikh tutup permohonan;
5. Berumur tidak melebihi 45 tahun pada tarikh tutup permohonan;
6. Mempunyai prestasi cemerlang dengan markah purata Laporan Nilai Prestasi Tahunan (LNPT) **tidak kurang daripada 85% bagi mana-mana tiga (3) tahun yang tertinggi daripada lima (5) tahun terakhir** perkhidmatan pegawai (penilaian genap 12 bulan bagi setiap tahun);
7. Pegawai hanya dibenarkan memohon kursus pada peringkat yang lebih tinggi daripada kelayakan akademik yang telah dimiliki;
8. Pegawai mempunyai kelulusan Ijazah Sarjana Muda Pergigian atau setaraf dengannya dari Institusi Pengajian yang diiktiraf;

9. Pegawai yang memenuhi syarat-syarat berikut akan diberi keutamaan:
  - a. mempunyai kelulusan/ kelayakan tambahan cth. MFDS/ MJDF/ MOrth/ FRACDS/ *Basic Medical Science*; dan
  - b. mempunyai kelulusan ujian IELTS dengan markah 6.0 atau MUET dengan markah 4.0;
10. Permohonan Program Latihan Kepakaran ini hanya tertakluk kepada kursus **Sarjana Pergigian dalam negara** yang tersenarai dalam iklan tawaran sahaja;
11. Pegawai bersih / bebas daripada sebarang pertuduhan / prosiding dan tindakan tatatertib, siasatan dan / atau dalam proses dakwaan mahkamah;
12. Pegawai bebas daripada penyakit yang boleh menjejaskan keupayaan untuk menjalani program latihan (*unsuitable to pursue training*) dari segi fizikal dan mental seperti di **Lampiran A**;
13. Pegawai telah mengisytiharkan harta;
14. Pegawai bukan merupakan Peminjam Tegar atau peminjam yang disenarai hitamkan oleh JPA atau badan-badan pinjaman Kerajaan yang lain;
15. Pegawai perlu mengemukakan permohonan dengan lengkap dan menyediakan **Kertas Cadangan Penyelidikan (Proposal Paper)** yang lengkap bagi mod Penyelidikan atau *Mixed-mode* (seperti di **Lampiran C**). Maklumat lanjut tentang penghantaran dokumen ini ada dinyatakan pada **Lampiran B – Pergigian**;
16. Pegawai hanya dibenarkan memohon bidang kursus yang ditawarkan melalui iklan tawaran KKM sahaja; dan
17. Semua permohonan yang dikemukakan hendaklah mematuhi syarat-syarat permohonan yang telah ditetapkan oleh KKM.

## **TAWARAN PROGRAM LATIHAN KEPAKARAN (PLK) – SARJANA PERGIGIAN**

1. Tajaan Program Latihan Kepakaran bagi Pegawai Pergigian Kontrak Sesi Akademik Tahun 2022 / 2023 **hanya ditawarkan bagi kursus di dalam negara sahaja.**
2. Pegawai hanya boleh memohon bidang / kursus yang ditawarkan seperti di **Lampiran B – Pergigian.**
3. **Hanya pegawai yang** layak tapisan KKM **akan dipertimbangkan untuk mengikuti PLK.** Pegawai yang tidak memohon atau tidak melepasi tapisan KKM **walaupun telah ditawarkan tempat pengajian di institusi** tidak akan dipertimbangkan untuk mengikuti PLK.
4. Pegawai yang berjaya dipilih akan ditawarkan PLK dengan Penajaan:
5. Surat tawaran dan dokumen perjanjian akan dikeluarkan kepada pemohon yang berjaya sahaja oleh Bahagian Pengurusan Latihan (BPL) melalui Sistem Permohonan eHLP KKM yang boleh dicapai melalui laman sesawang <http://ehlp.moh.gov.my>.
6. Hanya tawaran yang dikeluarkan oleh BPL, KKM sahaja **DIANGGAP SAH** untuk mengikuti program latihan ini;
7. Pegawai tidak dibenarkan untuk menarik diri setelah menandatangani kontrak perjanjian. Pegawai adalah tertakluk kepada Kontrak Perjanjian yang berkuatkuasa dan akan **dikenakan penalti/ ganti rugi sejumlah RM350,000.00 sekiranya gagal dalam tempoh pengajian atau melanggar mana-mana syarat perjanjian penajaan PLK.**

## **PERINGATAN PENTING KEPADA SEMUA PEGAWAI**

1. Permohonan Tawaran A bagi Sesi Akademik Tahun 2022/2023 adalah secara dalam talian sepenuhnya menerusi Sistem Permohonan eHLP KKM (<http://ehlp.moh.gov.my>). Permohonan dibuka mulai **28 Januari 2022 hingga 28 Februari 2022**.
2. Pemohon dinasihatkan untuk merujuk kepada Unit Sumber Manusia terlebih dahulu sebelum membuat pengisian maklumat perkhidmatan seperti lantikan, LNPT dan Cuti Tanpa Gaji/ Cuti Separuh Gaji kerana **jika pengisian tidak tepat menyebabkan permohonan [TIDAK BERJAYA]**. Pegawai boleh merujuk Lampiran I sebagai rujukan Unit Sumber Manusia yang menjaga Buku Rekod Perkhidmatan.  
*(Sila hubungi pihak urus setia jika Unit Sumber Manusia tiada dalam sistem eHLP)*
3. Permohonan akan melalui Unit Sumber Manusia bagi tujuan pengesahan maklumat sebelum dipanjangkan kepada Ketua Jabatan.
4. Sekiranya kesemua maklumat telah diperakui oleh Unit Sumber Manusia, notifikasi permohonan akan dihantar melalui emel kepada Ketua Jabatan. Pemohon boleh menyemak status penghantaran permohonan secara berkala bagi mengetahui status semasa permohonan anda.
5. Permohonan yang tidak diambil tindakan pengesahan dan tidak dihantar selepas tarikh tutup pengesahan akan dikemaskini secara automatik kepada **[TIDAK BERJAYA]** dan catatan keputusan dipaparkan kepada pemohon sebagai **'Tiada tindakan pengesahan maklumat oleh Unit Sumber Manusia'**.
6. Sila pastikan emel Ketua Jabatan adalah betul kerana emel ini akan digunakan untuk penghantaran pautan sokongan. **Senarai Ketua Jabatan adalah seperti di Lampiran B – Pergigian**.
7. Pemohon dinasihatkan untuk membuat *follow up* dengan Ketua Jabatan sekiranya permohonan belum diambil tindakan sokongan.

8. Permohonan yang tidak diambil tindakan sokongan dan tidak dihantar selepas tarikh tutup sokongan akan dikemaskini secara automatik kepada **[TIDAK BERJAYA]** dan catatan keputusan dipaparkan kepada pemohon sebagai '**Tiada tindakan sokongan permohonan oleh Ketua Jabatan**'.
9. Setelah permohonan diisi dengan lengkap dan dihantar di sistem eHLP, pegawai wajib mengemukakan dokumen tambahan mengikut syarat-syarat Program melalui pautan **Google Form** yang telah dinyatakan di **Lampiran B – Pergigian bagi mengelakkan permohonan ditolak**.
10. Tarikh-tarikh penting adalah seperti berikut (*tertakluk kepada pindaan*):

BIL.	PERKARA	TARIKH
i.	Tempoh permohonan PLK dibuka di laman sesawang Sistem Permohonan eHLP KKM ( <a href="http://ehlp.moh.gov.my">http://ehlp.moh.gov.my</a> )	28 Januari 2022 hingga 28 Februari 2022
ii.	Semakan untuk layak temu duga di laman sesawang Sistem Permohonan eHLP KKM ( <a href="http://ehlp.moh.gov.my">http://ehlp.moh.gov.my</a> )	April – Mei 2022
iii.	Urusan temu duga	Mei – Jun 2022
iv.	Semakan keputusan tawaran di laman sesawang Sistem Permohonan eHLP KKM ( <a href="http://ehlp.moh.gov.my">http://ehlp.moh.gov.my</a> )	Julai – Ogos 2022

11. Pegawai adalah diingatkan agar memohon bidang / kursus yang ditawarkan seperti di **Lampiran B – Pergigian**. **Permohonan yang tidak mengikut bidang / kursus seperti di lampiran tersebut dan tidak selaras dengan keperluan perkhidmatan KKM tidak akan dipertimbangkan.**

## **TANGGUNGJAWAB KETUA JABATAN/ PENYELIA**

1. Ketua Jabatan/ Penyelia adalah dinasihatkan supaya membuat semakan yang teliti dan memberi **sepenuh perhatian kepada syarat-syarat yang ditetapkan**. Adalah menjadi tanggungjawab Ketua Jabatan/ Penyelia **untuk memperakukan pegawai yang benar-benar sesuai, berkelayakan serta memenuhi syarat-syarat yang ditetapkan**.
2. Ketua Jabatan/ Penyelia adalah diminta untuk membuat perancangan yang teliti dan hanya memperakukan pegawai yang boleh dilepaskan untuk PLK pada Sesi Akademik Tahun 2022/ 2023 kelak. Sekiranya kesemua pegawai yang diperakukan oleh Jabatan berjaya ditawarkan PLK ini, Ketua Jabatan berkenaan adalah dikehendaki **memberi pelepasan** kepada mereka untuk menjalani pengajian.
3. Bahagian Pengurusan Latihan, KKM berhak membatalkan permohonan yang didapati tidak mematuhi syarat-syarat dan peraturan-peraturan yang telah ditetapkan.

## **SEBARANG PERTANYAAN BERHUBUNG PERMOHONAN TAWARAN A UNTUK MENGIKUTI PROGRAM LATIHAN KEPAKARAN SECARA SEPENUH MASA,**

### **SILA HUBUNGI:**

**Urus setia Tawaran A, Program Kepakaran 1,  
Bahagian Pengurusan Latihan  
Kementerian Kesihatan Malaysia  
Telefon: 03-8885 0694  
emel: ehlp1@moh.gov.my**